

Laqnutan tu ka-a dau malasBubunun

Ma-aq tu minsuma ka vevisidug un laqalav i imita tu Tevang ti ka, lusqa minsuma sipisingpising, maqalavqalav, qalavan i dalaq tu inai ta dau, qalavan i masisihal tu nakonun, linqehu-an a binano-az, ma-aq is heza ka kananu ang matinbaas a pakansu-un mapataz, qalavan i busul is simaq a heza-an i busul, laqnutan tu ka-a dau munhaan libus qanup, ni-i amin maqtu kis siza haan ludun i masisihal tu konunkonun, ma-aq is simaq a anqelu ka damu-un maluum mapataz, kasa-an a ketnanu tu sidug mapudaan haan ludun me-asang mapunastu haan bukvaz ka-asang, qalavan i iba-av haan ludun tu quma nait sinsusuaz ta, huvevan a ngaan i inai tun tu ngaan, isnava-an i inai tun tu qalinga, mopa mastaan dau nai tun a qalinga tu masihaldengaz, mungaa dau mapadusa tu bunun haan dalaq nastu ti ka malas-inai tun tu qalinga, kapanu-un dau inai tun a elqumisan, laqnutan tu ka-a dau malasBubunun i madikla dau mita ka qalinga, itutemangaz dau mita ka qalinga siin i elqumisan, tispising saam tu biao is lusqa pittuspukun mapataz, tis-uni saam istii, lusqa in uka in tasmazmaaz, min-uni qanglasnongnong, mungaa in tu puntastusaba pensanan tu mutda, qabas ang tu uvaz-az ang.

Ni-i tu maqansiap malas-inai tun tu qalinga ka, ma-aq is heza duma uvaz-az a kamiing taqu ki masnanava ka kamangmangan mapinsaqtu, pakanbangkiki-un is duma-anan, patindangkulun tu mokpia kis duma-anan, pa-ansaqanan i palusu kis duma-anan, pa-un ta tutuza mapinsaqtu, paaq pu-un mapising in amin a uvavaz-az malasBubunun i na kamangmangan i inai tun tu masnanava mapinsaqtu, tutuza kis miliskin tu maszang is metislaliva tu miqumis haan Tevang ti, uka maqtu in-uva-an tu indangazav ang, uka amin a maqtu ang tunqabinan, tutuza tu kelakindengaz ang, simaq in a na maqtu ang mindangaz i takiTevang ti a ketnanu tu bunun i, ni-i in niap tu na simaq in a luklasan tu indangazav ang; tuza tu unin ang i ladadu-un i issia Tamadiqanin sinsidangkaz tu qalinga, maqtu ang pisihesqang i is-aang, lusqa in miliskin tu na sanasia in Tamadiqanin, al tupa tu qanglasnongnong miqdidengaz lusqa in sisdang i Tamadiqanin ta, heza tu tastuqani-an, na sidangkazun i Tamadiqanin mapunhaan alisvala-an alisihalan ta, paaq pu-un lusqa-a malisvalavala ka is-aang, masusumsum i madedaz bunun nastu ti tu Tamadiqanin, na heza tu tastuqani-an, indangazan i Tamadiqanin.

115 年全國語文競賽臺灣原住民族語言朗讀文章 【巒群布農語】 高中學生組 編號 2 號

禁止說族語

以前在學校嚴禁說族語，說族語就被罰站、胸前被貼上牌子，在都市的族人不講族語，頭髮理平頭穿中山裝，省吃儉用買旗袍。我們原住民族過去不得不拋棄身份。

日本時代，原住民族大都會講日語，剩年老的族人會講族語，若大家不說族語，族語就要消失了。還好，現又開始重視族群語言，盼望大家好好的把傳統文化和語言給復振起來。